



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BOBEDI (P2)

TLHAKOLE/MOPITLWE 2014

MEMORANTAMO

MADUO: 70

Memorantamo o, o na le ditsebe di le 16.

KAEDI YA GO TSHWAYA

- Fa motlhatlhojwa a arabile dipotso tse di fetang palo, tshwaya fela karabo ya ntlha. **(Motlhatlhojwa ga a tshwanela go araba dipotso di le pedi mo pading, mo terameng le mo khutshweng.)**
- Mo Karolong ya D, fa motlhatlhojwa a arabile maboko otlhe a le mane, go tshwaiwe fela maboko a ntlha a mabedi.
- Fa motlhatlhojwa a neetse dikarabo tse di fetang selekano, go tshwaiwe fela palo ya dikarabo tse di kopilweng ka tatelano.
- Fa dinomoro tsa dikarabo di sa kwalwa sentle, memorantamo o tshwanetse go latelwa.
- Maduo a se ke a abiwa fa e le gore phoso ya mopeleto e fetola bokao jwa lefoko/lereo. Fa mopeleto o o fosagetseng o sa fetole bokao jwa lefoko/lereo, motlhatlhojwa a abelwe maduo.
- Potso ya Tlhamo: Motlhatlhojwa a se ke a tseelwa maduo fa mafoko a tlhamo e a e kwadileng a le kwa tlase ga 250-300 ka palo ka gone maduo a motlhatlhojwa a setse a amegile. Fa tlhamo e feta palo ya mafoko a a solofetsweng, motshwai a buise mafoko a a kana ka 50 go feta boleele jo bo solofetsweng. **Karolo e e setseng e se tshwaiwe, fela bokhutlo bo tshwanetse go buisiwa le go tshwaiwa.**
- Dipotso tse dikhutshwane: Fa motlhatlhojwa a sa dirise ditsejwana mo nopolong, a se fokoleliwe maduo.
- Dikarabo tse di batlang EE/NNYAYA kgotsa NTLHA/KAKANYO di tla abelwa ntlha e le nngwe mo go EE/NNYAYA kgotsa NTLHA/KAKANYO. Ntlha e nngwe e tla nna ya lebaka le le neilweng go tshegetsa karabo, mme motlhatlhojwa o tla abelwa leduo **fela** fa lebaka le le neilweng le tsamaelana le EE/NNYAYA kgotsa NTLHA/KAKANYO).

KAROLO YA A: PADI**POTSO 1: *BOGOSI KUPE* – DPS Monyaise**

- Serokolo le lekoko la gagwe ba ne ba lalela kgosi go le maitisiboa, maikaelelo e le go menola bogosi/puso.
- BoSerokolo ba ne ba katela kgosi dikatana mo ganong gore e palelwe ke go tihaba mokgosi.
- Kgosi e tsamaisiwa ka moratho wa dikgomo.
- Kgosi e ne ya isiwa kwa sekgweng sa ga Dimo.
- Motlhoiwa o ne a ya go itsise mmakgosi gore kgosi e thopilwe.
- Morafe o ne wa opa mokgosi Serokolo a setse a kgabaganyeditse kgakala le kgosi.
- Kgosi e ne e simolola go palelwa ke go tsamaya mme boSerokolo ba e pateletsa gore e kuke dinao.
- Motlhoiwa o ne a bona fa boSerokolo ba tsena le kgosi mo sekgweng mme a itiketsa ka ditlhare.
- Motlhoiwa o ne a aga a loma kgosi tsebe ka maikaelelo a boSerokolo mme e sa mo tseye tsia.
- Motlhoiwa o ne a tsamaya le banna ba bangwe ba sala boSerokolo morago gore ba kgone go falosa kgosi.
- Sajene Botipe le maphodisa a mangwe ba ne ba le mo sekgweng ba batlana le dikgomo tse di timetseng.
- Motlhoiwa ke fa a goroga le banna ba bangwe mo sekgweng ba batla kgosi.
- Serokolo o makaditswe fela ke fa a re o a bua a bo a bona Motlhoiwa a le fa.
- Modimoeng, Obakeng le Motlhoiwa ba falosa kgosi mme ba timetsa boSerokolo mo logageng lwa ga Modimoeng.
- Sajene Botipe le maphodisa a mangwe ba tsena mo logageng go ya go batla boSerokolo mme ba a timela.
- Maphodisa ba patelesega go golola boModimoeng gore ba tle ba kgone go ntsha boBotipe mo logageng.
- Modimoeng, Motlhoiwa le Obakeng ba boela le kgosi kwa motseng.
- Kgosi fa e goroga kwa gae e ne ya begela morafe gore Motlhoiwa ga a bolo go mo loma tsebe ka maano a boSerokolo ba sa ntse ba simolola.
- Kgosi e ne ya itsise lekgotla gore boSerokolo ba ne ba amogelwa ka mabogo a mabedi mo motseng wa Mokwena mme go a makatsa fa e nna bona ba ba lomang kgosi.
- Kgosi e gana go tlogela boSerokolo, o kaya fa ba tshwanetse go bolawa gonne ba lateletse noga mo mosimeng.
- Kgosi e ne ya gopotsa banna gore bogosi kupe.

[35]**KGOTSA****POTSO 2: *BOGOSI KUPE* – DPS Monyaise**

- 2.1 Ke motho le kgaitسادie. (1)
- 2.2 Motsomi (1)

- 2.3 Kwa merakeng. (1)
- 2.4 O ne a batla go ipusolosetsa gonne ba ne ba mo latlhela mo molapong o tletse. (2)
Yo mmotlana o ne a mo mmula tlhogo ka bothale. (2)
- 2.5 Ga a di utswa, go ya ka Obakeng o gapile dikgomo tseo a sa itse gore ke tsa ga mang, ka a di bone fa thoko ga tsela. (2)
O di utswitse, gonne fa o le motho ga o tseye selo seo o sa itseng gore ke sa ga mang o bo o didimala o sa batle mong wa sona.
(Dikarabo tsa batlhatlhojwa di elwe tlhoko)
- 2.6 O ne a robetse. (1)
- 2.7 Sajene Botipe o ne a ya kwa sekgweng go leka go batla dikgomo tse di timetseng. (2)
- 2.8 Moremi o ne a ya kwa maphodiseng go ya go bega fa di timetse. (2)
- 2.9 Modisa wa dikgomo o ne a itshietse a palelwa ke go di tlhokomela mme tsona tsa sutlha legora. (2)
- 2.10 Ka go itsise mmakgosi fa mogatse a thopilwe. (2)
- 2.11 -Ke segatlamelamasisi – O ne a sa boife go nna mo sekgweng a le nosi. (2)
-O pelonomi – O thusitse kgosi fa a ne a tshwerwe ke boSerokolo. (2)
(Dikarabo tsa batlhatlhojwa di elwe tlhoko)
- 2.12 -Bontle (1)
-Botlhale (1)
-Go ema monna wa gagwe nokeng. (1)
- 2.13 Loso lo, lo senotse fa Tukisang a se na kutlwelobotlhoko ka gonne a sa tseye mmaagwe Obakeng jaaka moswelwa e bile a mo kgadiepetsa fa a bua nae/O ne a kgerisa Obakeng, a mo tshwarisa kwa kgosing a re o utswitse bothale. (2)
- 2.14 -O ne a le mokhutshwane. (2)
-Thamo le mmele e ne e le selo se le sengwe/O ne a le mokima. (2)
- 2.15 Phiritona (1)
- 2.16 2.16.1 B/Mogatse Tukisang. (1)
- 2.16.2 A/Moeteledipele wa lekgotla la bobedi go ya go batla banna ba ba timetseng. (1)
- 2.16.3 D/Modisa wa dikgomo tsa mmuso. (1)

[35]**KGOTSA**

POTSO 3: MORABARABA – SJ Lebethe

- Ntshimane le Mpute ke ditsala.
 - Ntshimane o ratana le Morwesi.
 - Ntshimane o itisa le Ntshetsana a bo a ya toropong le ena fa Morwesi a jetse mmangwanaagwe nala.
 - Batho ba motse ba mmolelela se se diragetseng fa a ne a se teng.
 - Morwesi ga a batlisisa bonnete jwa kgang e, o lwa le Ntshimane mme ga go nne monate mo loratong lwa bona.
 - Ntshimane o tsaya loeto lwa dikgaisano tsa mmimo, mme mo beseng o rekela Mmemme maungo.
 - Ntshimane o robatsa Mmemme fa go ena ka a bona a sa robala monate mo beseng.
 - Mmakgosi o itsise Morwesi se se neng se diragala mo beseng mme Morwesi o a tenega, e bile o bolelela Ntshimane gore go basimane ba le bantsi bao a ba fetisitseng ka ntlha ya gagwe mme o bona e kete Ntshimane ena o batla go nna le phuthego, a raya makgarebe a mantsi.
 - Mpute o ipala mabala a kgaka mo go Morwesi a ntse a itse gore ke lekgarebe la ga Ntshimane, mme Morwesi o a dumela.
 - Morwesi ga a ye kwa moletlong wa matsalo a ga Ntshimane ka a ithaya a re o a mo swetsa gonne a sa nna boikanyego mo go ena.
 - Morwesi o tsaya loeto le Mpute go ya Ga-Rankuwa ka ntlha ya fa a tennwe ke Ntshimane.
 - Morwesi o robala phaposi e le nngwe le Mpute kwa hoteleng fa ba ne ba ile Ga-Rankuwa.
 - Mpute le Morwesi ba felegetsa Bontle kwa sekolong.
 - Ntshimane o ya go tlhola Morwesi, fela ga a mo fitlhele mme mmaagwe Morwesi o ithaya a re o tsamaile le ena.
 - Morwesi le Mpute ba tlogela Bontle kwa sekolong, ba ile koo ba ntse ba bona gore ba tlile go tlhoka sepalangwa sa go boa.
 - Morwesi o bolelela Ntshimane maaka gore o robetse le Bontle kwa sekolong ntswa a robetse le Mpute kwa ga mosadimogolo ka ba mo reile ba re ke banyalani.
 - Morwesi o imile ngwana wa ga Mpute.
 - Morwesi o kwalela Mpute lekwalo go mo itsise fa a imile e bile a ikaeletse go lemolola.
 - Mpute ga a arabe lekwalo la ga Morwesi e bile mmaagwe o mo thusa go lemolola mpa.
 - Lerato la ga Morwesi le Ntshimane le a fela ka ntlha ya go reetsa batho le go nna matlhomantsi.
- (Dikarabo tsa batlhatlhojwa di elwe tlhoko)

[35]**KGOTSA****POTSO 4: MORABARABA – SJ Lebethe**

- 4.1 Ke boimana. (2)
- 4.2 Ka go lemolola mpa. (2)

- 4.3 - Yo o sa tshepagaleng – O tseela Ntshimane lekgarebe ntswa e le tsala ya gagwe. (2)
- O maaka – o aketsa mosadimogolo gore ena le Morwesi ke monna le mosadi. (2)
(Dikarabo tsa batlhatlhojwa di elwe tlhoko)
- 4.4 Ke ne ke tla nna go fitlha ke belega, ka gonne gongwe ngwana yoo ke wa ntlha e bile ke wa bofelo yo ke tlileng go nna nae/Ke ne ke tla lemolola mpa fa ke lemoga gore Mpute ga a ikemisetsa go nna rre. (2)
(Dikarabo tsa batlhatlhojwa di elwe tlhoko)
- 4.5 - Go ka nna le ntwaga magareng ga gago le tsala. (2)
- Go ka nna le tshwaetsano ya malwetse. (2)
(Dikarabo tsa batlhatlhojwa di elwe tlhoko)
- 4.6 Ke fa Mpute a se na go mo imisa mme ena a bo a lemolola mpa. (2)
- 4.7 - Go tsuba/go goga motsoko. (1)
- Go nwa bojalwa. (1)
- 4.8 O ne a kgoberilwe maikutlo ke lorato lwa gagwe le Morwesi/O ne a utlwile botlhoko fa Morwesi a mo tlogetse mme a palelwa ke go ithuta. (2)
- 4.9 Mmule (1)
- 4.10 Ke itemogetse gore lorato le le se nang nnete le go tshepana ga le nnele ruri. (2)
(Dikarabo tsa batlhatlhojwa di elwe tlhoko)
- 4.11 Wa segompiano, go na le dikgaisano tsa mmimo, go kgweetswa dijanaga, go palangwa dibese. (3)
(Dikarabo tsa batlhatlhojwa di elwe tlhoko)
- 4.12 Gore o se ikanye tsala/Sephiri ga se nnele ruri. (2)
(Dikarabo tsa batlhatlhojwa di elwe tlhoko)
- 4.13 Ke fa Mpute a tseela Ntshimane lekgarebe. (2)
- 4.14 Mmotorokara le ntlo. (2)
- 4.15.1 B/Morwesi le Mpute ba ne ba etetse kwa teng. (1)
- 4.15.2 D/Rraagwe Mpute o ne a fudusediwa kwa teng. (1)
- 4.15.3 A/Kwa ga mmangwaneagwe Ntshimane. (1)

[35]**PALOGOTLHE YA KAROLO YA A: 35**

KAROLO YA B: TERAMA**MOLATSWANA WA GAETSHO –DMG Sekeleko****POTSO 5: *Moipolai yo o sa lelelweng* – EK Lebetho**

- Phika o bolelela Seako gore ba tlile go tlhakantsha masimo mme mo go ona ba tlile go jala korong fela.
 - Seako ga a dumalane le kgang e Phika a tlang ka yona, ya gore ba kopanye masimo.
 - Balemi ba bangwe ba ne ba lelela mo go Seako ba re ga ba dumalana nae ka go kopanya masimo le go jala korong fela.
 - Phika o neela banna ba le lesome tšhelete gore ba se thole ba lema foo.
 - Seako o bolelela Mmalabadi gore a se arabisane le ope a itidimalele fa a bodiwa ka masimo.
 - Phika o leka go gatelela Seako go kopanya tshimo ya gagwe le tsa banna ba bangwe fa ba le kwa thobong, fela Seako o a gana.
 - Phika o bolelela Seako gore Raditerekere o saenile tumalano le ena.
 - Seako o itsise Phika fa le ena a tla dira tumalano le ena.
 - Phika o batla go nna molaodi wa masimo mme o itsise Seako fa a tlile go mo dira motsamaisi.
 - Seako a bolelela Phika gore ena ga a rekise masimo.
 - Phika o kgaola terata ya ga Seako, a bo a koba le badiredi ba gagwe.
 - Phika le Seako ba lwa ntwana ya mabole, Seako o betsa Phika ebile o a ngongorega gore e kete Seako o katisitswe ke Mohammed Ali.
 - Phika o ya Gauteng go batla thuso, mme o tla le Killer.
 - Monna mongwe o loma Seako tsebe gore Phika o tlile le monna yo o kotsi go tswa Gauteng.
 - Seako o dira maano a gore ba tlile go dira eng fa Phika le Killer ba ba tlasela.
 - Seako o laela Modise gore fa a ntse a bua le Phika le Killer, a notlele kgorwana ya lesaka a epolole sebepi mme a betsake dikgomo gore di tlhakatlhakane.
 - O ne a laetse mosadi gore a itire yo o seporeiyang kgomo e Seako a tla bong a le fa thoko ga yona.
 - O laela gore ba se dumele fa Phika a ba biletsa ka kwa ntle ga lesaka.
 - Seako, MmaSeako le Modise ba dira jaaka ba dumalane, mme mosadi o tshela Killer ka seporeyi mo matlhong.
 - Seako o betsa Phika ka thobane mo gare ga tlhogo.
 - Killer le Phika ba a swa mme Raditereke o ikopa maitshwarelo mo baleming ba bangwe.
 - Raditerekere o a belesediwa ka balemi ba re ga ba thole ba tlhoka diterekere tsa gagwe.
- (Dikarabo tsa batlhatlhojwa di elwe tlhoko)

[35]**KGOTSA**

POTSO 6: *Ba tla nkitse* – EJ Sekati

- 6.1 6.1.1 C/tharo (1)
- 6.1.2 D/Tshwane (1)
- 6.1.3 B/Moratwe (1)
- 6.1.4 A/Ranko (1)
- 6.2 Ke ditsala. (1)
- 6.3 O ne a tlhokafaletswe ke monna, mme o sa routse. (2)
- 6.4 Ke maitsholo a ga Boipelo/O apotse bontsho pele ga nako. (2)
- 6.5 Motswedi (1)
- 6.6 O ne a raya gore e tla bo e le mohumi, mme go tla bonwa dilo ka ena. (2)
- 6.7 - O ne a sa tlhole a mo rata gonne a ratana le Motswedi. (2)
- O ne a batla boswa jwa ga Ramarumo. (2)
- 6.8 Ramarumo o ne a tsaya loeto lwa tiro go ya kwa Tshwane, o ne a kgweetsa ka lobelo mme a bona kotsi ya sejanaga kwa Klipdrift. (2)
- 6.9 Kwa motsesetoropong, go na le dijanaga, go nowa majalwa a sekgowa, ebile batho ba teng ba gaisana ka botshelo jo ba bo tshelang. (3)
- 6.10 Ee, o ne a kgalema Boipelo fa a dira dilo tse di sa siamang. (2)
- 6.11 Boipelo. Ditiragalo tsa terama di ikaegile ka ena, e bile kwa bokhutlong fa a tshwarwa terama e a fela. (3)
- 6.12 - O ne a kopile gore go dirilwe dipatlisiso tsa gore o bolailwe ke eng pele Boipelo a ka neelwa madi. (2)
- O ne a kwadile mo tshupabosweng gore Boipelo a newe madi fa fela a ka se nyalwe gape. (2)
- 6.13 Nnyaya, ka gonne o tla dula o le mo letswalong/maaka ga a nnele ruri, ka tsatsi lengwe, nnete e tla tlhagelela. (2)
(Dikarabo tsa batlhatlhojwa di elwe tlhoko)
- 6.14 Megagaru ga e busetse sepe/Sekhukhuni se bonwa ke sebatladi. (2)
(Dikarabo tsa batlhatlhojwa di elwe tlhoko)
- 6.15 Kwa Klipdrift. (1)

[35]**KGOTSA**

POTSO 7: *Mosese, Mosese, Mangole le Menwana – SJ Shole*

- Bosalala o nyetse Nnuku fela o na le lekgarebe kwa thoko e leng Mmemme.
- Ga go monate mo lenyalong la ga Bosalala le Nnuku e bile Nnuku o a ngala mo lelapeng.
- Mmemme o ya go robala kwa ga Bosalala ka Nnuku a seo.
- Bosalala le Feke ba ile kwa bojalweng mme fa ba boa Bosalala o ya gae.
- Bosalala o a kokota fela ga go motho yo o arabang.
- Bosalala o makadiwa ke gore o tlogetse Mmemme ka fa gare ga ntlo, o ithaya a re o ile ka boroko.
- Rantleru o bona Bosalala a ntse a kokota fa ga gagwe o mmotsa gore ke ka ntlha ya eng a kokota.
- Rantleru o leka go thusa Bosalala fela le ena o lemoga fa setswalo sa kwa pele le sa kwa morago di notletswe go tswa ka fa gare.
- Rantleru o roba mojako ka a lemoga fa go se seo ba ka se dirang.
- Fa mojako o bulega ba bona setopo sa ga Mmemme.
- Ba ipotsa gore o bolailwe ke mang ka go sa bonale motlhala wa go thubiwa mo ntlong.
- Feke fa a goroga kwa o tswang gona o fitlhela Rantleru le Bosalala ba ngangisana ka gore motho yo o bolaileng Mmemme o tsene jang?
- Feke o ba bolelela fa motho yoo a ntse a le mo ntlong mme o tswile fa bona ba bula mojako.
- Feke a re ba lebe motlhala wa mangole fa fatshe, mme ba a o bona.
- Ba lemoga fa motlhala o tswa ka fa tlase ga bolao o ya kwa ntle.
- Ba leba mangole a ga Nnuku ka e le ena yo o ntseng a se na nabo.
- Ba fitlhela mosese, mangole le menwana ya ga Nnuku e tletse dipoletšhe.
- Mosese, mangole le menwana tsa ga Nnuku di ne di bontsha gore ke ena a tswileng ka fa tlase ga bolao.
- Nnuku le Bosalala ba tshwarelwa polao ya ga Mmemme.
- Ditiragalo tsa terama di a bontsha gore tiragalo e nngwe e tlhola e nngwe.
(Dikarabo tsa batlhatlhojwa di elwe tlhoko)

[35]**KGOTSA****POTSO 8: *Bo tla sa jang? – C Modise***

- | | | | |
|-----|-------|---|-----|
| 8.1 | 8.1.1 | C/Se se tla tsogang se diragala ka moso ga se itsiwe. | (1) |
| | 8.1.2 | B/Mabentleleng | (1) |
| | 8.1.3 | C/Dumelang mo setsong. | (1) |
| | 8.1.4 | D/Lenyalo | (1) |
| 8.2 | | Ke monna le mosadi/Motho le mogatse. | (2) |
| 8.3 | | Ke lorato lwa ga Phofu le Selebaleng. | (2) |
| 8.4 | | Selebaleng | (1) |

- 8.5 Gore ga a tlhole a mmatla mo ntlong.
(Dikarabo tsa batlhatlhojwa di elwe tlhoko) (2)
- 8.6 Ba ne ba ya dijong kwa hoteleng. (2)
- 8.7 Go bega loso lwa ga Phofu. (2)
- 8.8 Kotsi ya sejanaga. (2)
- 8.9 Ee, ka gonne o ne a supa lorato.
Nnyaya, Phofu o ne a sa mo tlotle ebile a sa bontshe lorato. (2)
- 8.10 Kgomotso o boela kwa ga gaabo. (2)
Loso lwa ga Phofu. (2)
- 8.11 Lorato (2)
- 8.12 -Ke ithutile gore fa o le rre o tshwanelwa ke go rata mosadi wa gago. (2)
-Go direla motho bosula go ka go tlisetsa bomadimabe. (2)
- 8.13 -Phofu o ne a tlhokafala a sa nyala Selebaleng. (2)
-Kgomotso o ne a sala a le mo kutlobotlhokong mme a bona dinotlolo tsa ntlo. (2)
- 8.14 Kgomotso, o ne a lwantshiwa ke Phofu. (2)
- [35]**

PALOGOTLHE YA KAROLO YA B: 35

KAROLO YA C: DIKGANGKHUTSHWE**NGATANA YA LEHUMO – KM Mbonani le ba bangwe****POTSO 9: Ke tla thuswa ke mang? PJ Mathibe**

- Phale o goletse mo motseng wa baipei kwa batsadi ba gagwe ba neng le bona ba ipeile gona.
- Bana ba motse o, ba godile ba bona ditopo letsatsi le letsatsi ka ntlha ya dintsho tse di neng di tlohlwa ke dikotsi.
- Ba ne ba rakana le ditopo tsa batho golo gongwe le gongwe fa ba neng ba tshamekela gona, mme ba sa bone phoso.
- Ba ne ba bogela maphodisa fa a tla go rwala ditopo mme e setse e le selo se ba se tlwaetseng.
- Phale o bone dilo tse ka gale bana ba sa tshwanelang go di bona, segolobogolo baswi.
- Ka lengwe la malatsi o ne a tsaya loeto le nkokoagwe ka thekisi.
- Thekisi ya bona e ne ya thuntshiwa mme mokgweetsi le batho ba bangwe ba ba neng ba pagame thekisi gammogo le nkokoagwe ba ne ba tlhokafala.
- Phale o ne a tshoga le go boifa fa a bona se, mme o ne a lela botlhoko a ba a lwala sebaka se seleele thata.
- Tsatsi lengwe e ne ya re a phaphama bosigo, a fitlhela motlaagana wa ga gaabo o šwa.
- O ne a hema mosi a felelwa ke maatla.
- Maitemogelo a botshelo jwa mathata a ne a mo thusa, mme a ithatha sefatlhego ka kobo a kgona go iphalotsha ka go thula setswalo ka tlhogo.
- Batsadi ba gagwe bona ba ne ba swela mo ntlong ka ntlha ya go kgangwa ke mosi.
- Batho ba ne ba retelwa ke go falosa batsadi ba ga Phale ka ntlha ya bogale jwa molelo.
- Ba ne ba tlhatsisa Phale mme a kgona go phaphama.
- O rile fa a leba motlaagana, a gopola batsadi ba gagwe ba le ka fa teng, a bo a re o itatlhela ka fa teng gore le ena a swe le bona.
- Batho ba ne ba mo tshwara gore a se ka a tsena, kwa morago o ne a betsega jaaka setseno a siela kwa lefifing.
- Phale o ne a taboga jalo go fitlhela a fitlha kwa motsaneng o o neng o tshwana le wa bona kgakala le legae la gagwe.
- O ne a thulamela ka fa morago ga motlaagana wa mosadimogolo mongwe.
- O rile go bonwa ke mosadimogolo yoo, a bo a mo naya methuso ya setho le mogodungwana ka a ne a mmona gore o mo tlalelong.
- Mo tsamaong ya letsatsi mosadimogolo o ne a mmotsa gore ke mang o tswa kae.
- Phale o ne a mmolelela leina le sefane sa gagwe mme mosadimogolo a mo naya lorato, Phale a thulamela.
- Phale o ne a batliwa mme mosadimogolo a tsiboga.
- Phale o ne a bona thuso go tswa kwa go ba katlaatlololoago le sephodisa, mme a batlelwa bonno.
(Dikarabo tsa batlhatlhojwa di elwe tlhoko)

[35]**KGOTSA**

POTSO 10: *Lenyalo ke kgetsi ya lesogodi – MI Siko*

- 10.1 10.1.1 C/Sinaco. (1)
- 10.1.2 D/Terry (1)
- 10.1.3 B/Kameelboom. (1)
- 10.1.4 D/Phatwe. (1)
- 10.2 Dithole (1)
- 10.3 Ka bogale. (2)
- 10.4 Ka gonne a sa rutega ebile e le modidi. (2)
- 10.5 Nnyaya, gonne o tlogedisitse Mokgethi mosadi wa nnete a ya go nyala motho yo o seng boikanyego. (3)
- 10.6 Ke ithutile gore fa o nyetswe o nne boikanyego/Go tlhophela ngwana molekane ga go a siama. (2)
(Dikarabo tsa batlhatlhojwa di elwe tlhoko)
- 10.7 O ne a thulana le setimela ka koloi e a neng a e kgweetsa. (2)
- 10.8 Ee, gonne Lebogang o ne a sa rutega fela a le maitseo mme Morwesi ena a rutebile fela a palelwa ke go itshokela dikano tsa lenyalo ka go se nne boikanyego. (3)
(Dikarabo tsa batlhatlhojwa di elwe tlhoko)
- 10.9 Go mo tlhophela molekane. (2)
- 10.10 Kwa kholetšheng ya katiso ya Sekeresete ya Mankwe. (2)
- 10.11 Go bina mmamodikwadikwane. (2)
- 10.12 O fitlhetse Terry kwa gagwe, mme a mo ntshetsa sethunya. (2)
- 10.13 *Lets just kiss and say goodbye.* (2)
- 10.14 Bojalwa le karata ya lerato. (2)
- 10.15 -O boikobo - o ne a utlwelela batsadi ba gagwe. (2)
-Ga a rate puo - o ne a tshaba go emelelana le Terry fa a ne a mo fitlhela mo ntlong ya gagwe. (2)
(Dikarabo tsa batlhatlhojwa di elwe tlhoko)

[35]**PALOGOTLHE YA KAROLO YA C:****35**

KAROLO YA D: MABOKO A SETSWANA – MORULAGANYI – MK Mothoagae**POTSO 11: Bosiela – LD Raditladi**

- | | | |
|------|--|--------------|
| 11.1 | Tlhatlhagano | (2) |
| 11.2 | Pheteletso | (2) |
| 11.3 | Ke ka gonne bo le setlhogo jaaka ledimo/bo utlwis batho botlhoko jaaka ledimo. | (2) |
| 11.4 | Bosiela bo senya fa go siameng gona. | (2) |
| 11.5 | Loso | (2) |
| 11.6 | Bosiela ruri ke leselamotlhaka. | (2) |
| 11.7 | Ke ka gonne e le tiragalo ya tlholego e o ka se e phimoleng. | (2) |
| 11.8 | Ke a kutlobotlhoko, gonne a latlhegetswe ke motsadi. | (2) |
| 11.9 | Gore bosiel a ke selo se se botlhoko.
(Dikarabo tsa batlhatlhojwa di elwe tlhoko) | (1½) |
| | | [17½] |

KGOTSA**POTSO 12: Mahuma-pelo a ga phokojwe – MS Kitchen**

- | | | |
|------|---|--------------|
| 12.1 | Tshwaro e e makgwakgwa. | (2) |
| 12.2 | Mmopi a kgalemele motho le ntšwa ya gagwe. | (2) |
| 12.3 | -Ke motho
-Ntšwa | (1)
(1) |
| 12.4 | 'Ba re sa me ga se bolotsana ke ntlo-lo-bone'. | (2) |
| 12.5 | Ka gonne a tshaba motho le ntšwa ya gagwe. | (2) |
| 12.6 | Segompieno, le kgaogantswe ka ditemana tse di rulagantsweng.
(Dikarabo tsa batlhatlhojwa di elwe tlhoko) | (1½) |
| 12.7 | Tlhatlhagano | (2) |
| 12.8 | Gore phokojwe a nne le kgololosego, motho le ntšwa ba tlogele go mmogisa. | (2) |
| 12.9 | Phokojwe e na le maikutlo fela jaaka motho/Re tlogele go bogisa ditshedi tse dingwe.
(Dikarabo tsa batlhatlhojwa di elwe tlhoko) | (2) |
| | | [17½] |

KGOTSA

POTSO 13: Botlhanka - SF Motlhake

- 13.1 Motlhanka ga a sotliwe. (2)
- 13.2 Neeletsano. (2)
- 13.3 Ke motho yo o direlang mongwe. (2)
- 13.4 Ga o a tshwanela go itlwaetsa motlhanka wa gago. (2)
- 13.5 O tlile go bua dikgang go iketlilwe. (2)
- 13.6 A tšhakgalo/bogale, gonne motlhanka ga a mo tlotle. (2)
- 13.7 O tshwanetse go tsholwa sentle, ka ntlha ya gore le ena ke motho o na le maikutlo e bile o thusa wena go go direla tseo o sa kgoneng go di itirela. (2)
- 13.8 Segompieno. Le kgaogantswe ka ditemana tse di lekalekanang.
(Dikarabo tsa batlhatlhojwa di elwe tlhoko) (2)
- 13.9 Go gatelela molaetsa wa gagwe. (1½)
[17½]

KGOTSA**POTSO 14: Bojaki – SF Motlhake**

- 14.1 Go tewa leina. (2)
- 14.2 A kutlobotlhoko, gonne mojaki fa e sa le a tsamaile. (2)
- 14.3 -Semethemetheng mojaki a iphua. (1)
-Le ketekete tsa batho a di rua. (1)
- 14.4 Tlogelo (2)
- 14.5 Le kgaogantswe ka ditemana. (1)
Le na le morumo o o rulagantsweng. (1)
(Dikarabo tsa batlhatlhojwa di elwe tlhoko)
- 14.6 O tsamaile sebaka ka jalo ga a itse fa go na le motsetse mo lapeng. (2)
- 14.7 Mothofatso (2)
- 14.8 Ke ka ntlha ya fa a ne a bona e kete dilo di mo siametse/ditlhokwa di mo robaletse. (2)
- 14.9 A sa tlhole a gopola kwa gae. (1½)
[17½]

PALOGOTLHE YA KAROLO YA D: 35
PALOGOTLHE: 70

PUOTLALELETSO YA NTLHA: RUBORIKI YA GO TSHWAYA POTSO YA TLHAMO YA PADI, TERAMA LE KHUTSHWE.

Ela tlhoko pharologano ya maduo a a abetsweng diteng kgatlhanong le popego le puo.

DIKHOUTU LE KABELO YA MADUO.		DITENG [25] Thanolo ya setlhogo, boteng jwa ngangisano, netefatso le go tlhaloganya sekwalo.		POPEGO LE PUO [10] Popego, tatelano ya dintlha le thagiso. Puo, segalo le setaele se se dirisiwang mo ditlhamong.
Khoutu 7 80%–100%	Phitlhelelo ya dinaledi 20–25 maduo	<ul style="list-style-type: none"> - Boteng jwa thanolo ya setlhogo, dintlha tsotlhe di tlhotlhomisitswe. - Thwadi ya dikarabo: 90% + phitlhelelo ka dinaledi. - Motseletsele wa ngangisano e e maleba e e ikaegile ka sekwalowa/ setlhogo. - Ditlhangwa le sekwalwa se se tlhalogantsweng ka phitlhelelo e e gaisang thata. 	Phitlhelelo ya dinaledi 8–10	<ul style="list-style-type: none"> - Popego e e nyalelanang. - Matseno le bokhutlo jwa maemo a a kwa godimo. - Ngangisano e e bopegileng sentle tota, puo, segalo le setaele se se tlhotlhegileng mme se nepagetse.
Khoutu 6 70–79%	Phitlhelelo ya matsetseleko 17½–19½ maduo	<ul style="list-style-type: none"> - Matsetseleko a thanolo ya setlhogo. Dintlha tsotlhe di tlhotlhomisiwe. - Dikarabo ka botlalo. - Tatelano ya ngangisano e e utlwagalang e filwe. E tshageditswe go tswa mo pokong. - Go tlhaloganya ditlhangwa. 	Phitlhelelo ya matsetseleko 7–7½	<ul style="list-style-type: none"> - Tlhamo e e bopegileng sentle. - Matseno a a itumedisang le bokhutlo. - Ngangisano le mola wa kakanyo o o bonolo go ka latelwa. - Puo, segalo le setaele se se nepagetseng. - Thagiso e ntle tota.
Khoutu 5 60–69%	Phitlhelelo e e tletseng 15–17 maduo	<ul style="list-style-type: none"> - Dikarabo dingwe di tsamaelana le setlhogo mme ngangisano/kganetso ga e maleba. - O paletswe ke go araba dipotso. - Dintlha dingwe ga di na bopaki go bontsha fa di tsamaelana le setlhogo. - Boko a thata mo ditlhangweng. 	Phitlhelelo e e tletseng 6–6½	<ul style="list-style-type: none"> - Popego e e siameng le ngangisano e e welang. - Matseno le bokhutlo le ditemana tse di nyalelanang sentle. - Kwelano ya ngangisano e ka latelwa. - Puo, segalo le setaele se se napagetseng mo go rileng.

Khoutu 4 50–59%	Phitlhelelo e e itumedisang 12½–14½ maduo	-Thanolo ya setlhogo e e mo magareng ga e tlhotlhomise dintlha tsotlhe. -Go na le dintlha tse di tshegetsang setlhogo. -Dingangisano di a tshegetswa mme bopaki ga bo a tota.	Phitlhelelo e e itumedisang 5–5½	-Bosupi jwa polelo bo a bonagala. -Tlhamo e tlhabela tatelano ya dintlha. -Diphoso tsa puo ga di dintsi. -Segalo le setaele di a tsamaisana. -Ditemana di batlile di siama.
Khoutu 3 40–49%	Phitlhelelo ya tekano 10–12 maduo	-Maiteko fela a go araba dipotso. -Maiteko a go araba dipotso a a kwa tlasenyana. -Dikarabo tsa setlhogo tse di sa tsepamang. -Kganetso e e sa totang ya bosiamisi. -Moithuti ga a ise a tlhaloganye setlhangwa sentle.	Phitlhelelo ya tekano 4–4½	-Popego e na le diphoso. -Ga go tatelano ya dintlha. -Diphoso tsa puo di a bonala. -Segalo le setaele ga di tsamaelane le maikaelelo a se se kwadilweng.
Khoutu 2 30–39%	Phitlhelelo e potlana 7½–9½ maduo	-Bokoa jwa go tlhaloganya setlhogo. -Poeletso ya dikarabo nako nngwe go latlhegelwa ke karabo. - Ga go na kganetsano e e tseneletseng fa thanolo e e fosagetseng e sa tshegetswa. - Setlhangwa se se bokoa e le tota.	Phitlhelelo e e potlana 3–3½	-Paakanyo e e bokoa. -Dintlha ga di latelane. -Diphoso tsa puo le setaele go supa kwalo e e bokoa. -Segalo le setaele ga di tsamaelane le setlhangwa se se kwadilweng.
Khoutu 1 0–29%	Ga a fithhelela 0–7 maduo	-Dikarabo dingwe di tsamaelana le setlhogo mme ngangisano/kganetso ga e maleba. - O paletswa ke go araba dipotso. - Dintlha dingwe ga di na bopaki go bontsha fa di tsamaelana le setlhogo. - Bokoa thata mo ditlhangweng.	Ga a fithhelela 0–2½	-Setlhogo ga se tsamaisane le diteng. -Ga go bopaki ba letlhomiso le tatelano ya dintlha. -Puo e e bokoa. -Setaele le puo e e fosagetseng.

ELA TLHOKO: Fa motlhatlhojwa a sa kwala diteng tse di maleba gothhelele, mme a kwadile tlhamo ya boitlhamedi, o tshwanetse go abelwa maduo a a kana ka 0 mo Ditennyeng, Puo le Kagego.